

20151544450

L I G J

PËR NDRYSHIMIN DHE PLOTËSIMIN E LIGJIT PËR TË MIRA AUDIOVIZUELE

Neni 1

Në Ligjin për të mira audiovizuele ("Gazeta Zyrtare e Republikës së Maqedonisë" numër 103/2008, 47/11 dhe 51/11) në nenin 20 në paragrafin (2) fjalët: " dokumentacioni shoqërues" zëvendësohet me fjalët: " materiale shoqëruese" kurse pas fjalisë së parë shtohet fjali e re si vijon: "Nëse të mirat audiovizuele të krijuara në format dixhital, producenti menjëherë pas realizimit, deri te Kinoteka e Maqedonisë e paraqet versionin përfundimtar të filmit, materialeve burimore dhe materiale filmike dhe jofilmike (audio, titra, Intermedia, materiale të shkruara, fotografi, materiale propagandistike dhe tjera.) ".

Në paragrafin (4) pika në fund të fjalisë zëvendësohet me presje dhe shtohen fjalët: " pa marrë parasysh llojin e bartësit".

Në paragrafin (7) fjalët: "kopje e papërdorur" zëvendësohen me fjalët: " kopje nga programet radiodifuzive".

Pas paragrafit (7) shtohet paragraf i ri (8) si vijon:

"(8) Përmbajtjen, llojin dhe formatin e materialit të cilat dorëzohen deri tek Kinoteka e Maqedonisë e përcakton ministri."

Neni 2

Titulli i neneve 36,37 dhe 38 dhe nenet 36, 37 dhe 38 ndryshohen dhe vijnë:

" Kushtet e veçanta për zgjedhje dhe rizgjedhje në tituj zgjedhorë profesionalë

Neni 36

(1) Në titullin zgjedhor profesional filmolog i lartë mund të zgjidhet personi i cili ka:

- të paktën pesë vjet eksperiencë si filmolog ose më së paku prej tre vjet eksperiencë si filmolog dhe ka përfunduar studimet e magjistraturës ose doktoraturën në fushën përkatëse dhe
- ka kaluar provimin profesional si filmolog i lartë.

(2) Në titullin zgjedhor profesional filmolog- këshilltar mund të zgjidhet personi i cili ka:

- pesë vite përvojë pune si filmolog i lartë dhe
- kontribut profesional në fushën e mbrojtjes të të mirave audiovizuale që mund të shprehet me të paktën 250 pikë në pajtim me aktin e nenit 40-a të këtij ligji.

(3) Personat nga paragrafët (1) dhe (2) të këtij neni mund të rizgjidhen në çdo pesë vite.

(4) Në titullin profesional filmolog i lartë mund të rizgjidhet person i cili ka dhënë kontribut profesional në fushën e mbrojtjes së mallrave audiovizuale nëpërmjet pjesëmarrjes dhe realizimin e projekteve (autorësinë së katalogëve, hulumtimit profesional, blerjen dhe përpunimin e të mirave audiovizuale, hulumtime në fushën e mbrojtjes të të mirave audiovizuale) dhe publikimi i punimeve dhe publikimeve në fushën, e cila mund të shprehet me të paktën 150 pikë në pajtim me aktin e nenit 40-a të këtij ligji.

(5) Në titulli profesional i filmologut këshilltar mund të rizgjidhet person i cili dha kontribut profesional në fushën e mbrojtjes së mallrave audiovizuale nëpërmjet pjesëmarrjes dhe realizimin e projekteve (autorësinë së katalogëve, hulumtimit profesional, blerjen dhe përpunimin e të mirave audiovizuale, hulumtime në fushën e mbrojtjes të të mirave audiovizuale) dhe publikimi i punimeve dhe publikimeve në fushën, e cila mund të shprehet me të paktën 250 pikë në pajtim me aktin e nenit 40-a të këtij ligji.

(6) Me përjashtim nga paragrafi (3) i këtij neni, personat nga paragrafët (1) dhe (2) të këtij neni, të cilat kanë dhjetë vjet për të realizuar të drejtën për pension, nuk do t'i nënshtrohen rizgjedhjes.

(7) Marrja e titullit profesional është bazë për avancimin e punëtorin profesional në një pozitë më të lartë të punës.

Procedura për dhënien e provimit profesional dhe procedura për zgjedhje dhe rizgjidhje në titujt profesionalë

Neni 37

(1) Zgjedhja dhe rizgjedhja në radhët e titujve profesionale të nenit 36 të këtij ligji, do ta kryejë ministri në bazë të propozimit nga komisioni recezent.

(2) Komisioni recezent përbëhet nga një kryetar dhe dy anëtarë të emëruar nga ministri me mandat prej dy vitesh. Për kryetari dhe anëtarët e komisionit recezent mund të emërohen punorë me titull profesionale filomolog këshilltar. Gjatë emërimit të kryetarit dhe anëtarëve të Komisionit recezent mbahet llogari për parimin e përfaqësimit të drejtë dhe barabartë të bashkësisve etnike në Republikën e Maqedonisë.

(3) Komisioni recezent:

- përcakton nëse individët i plotësojnë kushtet për dhënien e provimit profesional për zgjedhje apo rizgjedhje në titull profesional të përcaktuar me këtë ligj dhe me aktin e nenit 40-a të këtij ligji;

- e vlerëson dhënien e provimit profesional nga neni 36 paragrafi (1) alineja 2 nga ky ligj;

- e kryen vlerësimin nga neni 36 paragrafi (2) alineja 2 dhe paragrafët (4) dhe (5) nga ky ligj dhe

- dorëzon te ministri propozim për zgjedhjen /moszgjidhjen, respektivisht rizgjedhjen /mosrizgjedhje në titullin profesional.

(4) Komisioni recezent, propozimi nga paragrafi (3) alineja 4 të këtij neni, do t'i dorëzohet deri te ministri në afat prej 30 ditëve nga paraqitja e kërkesës për zgjedhje respektivisht rizgjedhje për titullin profesional.

(5) Propozimin nga paragrafi (3) alineja 4 të këtij neni përmban: informacion biografik mbi kandidatin, vlerësimi i pajtueshmërisë me kërkesat për zgjedhje respektivisht rizgjedhje në titujt profesionale, vlerësimin për zgjedhjen titullin profesional në bazë të rezultateve të provimit dhe vlerësimit për zgjedhje apo rizgjedhje për titullin profesional në pajtim me pikët të marra nga akti i nenit 40-a nga ky ligj.

(6) Procedura për zgjedhje ose rizgjedhje në titullin profesional zgjat më së gjati dy muaj.

(7) Ministri në afat prej 15 ditëve nga dita e dorëzimit të propozimit të Komisionit recezent e miraton vendimin për zgjedhjen/ moszgjedhjen respektivisht rizgjedhje /mosrizgjedhje në titullin profesional.

(8) Kundër vendimit nga paragrafi (7) të këtij neni mund të paraqitet ankesë në afat prej 15 ditësh deri te Komisionin Shtetëror për vendimmarrje në procedurë administrative dhe procedurë nga marrëdhënia e punës në shkallë të dytë. Ankesa nuk e prolongon ekzekutimin e aktvendimit.

(9) Punët administrative dhe teknike për Komisionin recezent i kryen Ministria.

Ngritja e procedurë për zgjedhje dhe rizgjedhje në titullin profesional

Neni 38

(1) Procedura për zgjedhje në titull profesional ngrihet me kërkesë të punëtorit të interesuar profesional.

(2) Nëse punëtori profesional nuk zgjedhet në titullin profesional për shkak të mospërbushjes së kushteve për titullin profesional ka të drejtë që brenda gjashtë muajve nga dita e miratimit të vendimit për të mos kryerjen e zgjedhjes në titull profesional, të dorëzojë kërkesë të re për zgjedhje në titull profesional.

(3) Procedurën për rizgjedhjen në titull profesional e ngrit drejtori i Kinotekës publike, më së voni tre muaj para kalimit të afatit për rizgjedhje.

(4) Nëse punëtori profesional nuk rizgjidhet në titullin profesional për shkak të mos përbushjes së kushteve për t'u rizgjedhur në titullin profesional të parashikuara në këtë ligj, ka të drejtë brenda gjashtë muajve në rizgjedhje të sërishme, kurse vazhdon të punojë në të njëjtin vend pune me të njëjtin titull profesional.

(5) Nëse edhe për herë të dytë nuk është rizgjedhur, punëtori profesional e humb titullin e fituar më parë dhe brenda 30 ditëve me vendim të drejtorit sistemohet në vend tjetër të punës në pozicion më të ulët profesional nga titulli i marrë më parë profesional. Punëtori profesional, brenda gjashtë muajve nga data e sistemimit në tjetër vend pune me titull më të ulët profesional, mund të paraqesë një kërkesë të re për zgjedhje në titull më të lartë profesional nga ai aktual në procedurë në pajtim me këtë ligj.

(6) Kundër vendimit nga paragrafët (4) dhe (5) të këtij neni, punëtori profesional në afat prej 15 ditëve nga marrja e vendimit ka të drejtë të paraqesë kundërshtim në këshillin drejtues të kinotekës publike. Këshilli drejtues vendos për kundërshtim në afat prej tetë ditëve nga dita e pranimit të kundërshtimit.

(7) Kundër vendimit të këshillit drejtues mund të parashtrohet ankesë brenda 30 ditëve nga dita e sjelljes së vendimit të këshillit drejtues, deri në gjykatën kompetente. Padia nuk e prolongon ekzekutimin."

Neni 3

Neni 39 ndryshohet dhe vijon:

"(1) Punët profesionale në kinotekën i kryejnë punëtorët me tituj profesionale jozgjedhor dhe atë:

- teknik filmik, me arsim të mesëm adekuat;
- teknik i lartë filmik me arsim të lartë përkatës ose me më së paku 180 kredi sipas SETK dhe
- filmolog me arsim të lartë përkatës ose me më së paku 240 kredi sipas SETK."

Neni 4

Pas neni 40 shtihet nen i ri 40-a, si vijon:

"Neni 40-a

Ministri i përcakton përputhshmërinë e llojit të arsimit dhe përshkrimin e titujve profesionale në veprimtarinë e mbrojtjes të të mirave audiovizuale, programi për dhënien e provimit profesional dhe mënyrën e përcaktimit të pikëve për zgjedhjen respektivisht rizgjedhjen në titujt profesionale. "

Neni 5

Neni 41-a shlyhet.

Neni 6

Në nenin 42 paragrafi (2) ndryshohet dhe vijon:

"(2)Gjobë në shumë prej 30% nga gjoba e matur për personin juridik do t'i shqiptohet për kundërvajtje nga paragrafi (1) të këtij neni i personit përgjegjës në personin juridik".

Neni 7

Në nenin 42-a në paragrafin (1) në fjalinë hyrëse fjalët: "1.000 deri " shlyhen.

Në alinenë 1 numri "(2)" zëvendësohet me numrin "(3)".

Në alinenë 2, pas fjalëve: "kopje e të mirës" shtohen fjalët: "respektivisht formati digjital i të mirës."

Në alinenë 6 fjalët: "kopje e papërdorur" zëvendësohen me fjalët: "kopje nga programet radiodifuzive".

Në alinenë 7 lidhëza "dhe" në fund të fjalisë zëvendësohet me presje.

Në alinenë 8 pika në fund të fjalisë zëvendësohet me presje dhe shtohet lidhëza "dhe".

Pas alinesë 8 shtohet aline e re 9, si vijon:

"-nuk ngrit procedura për rizgjedhje për titullin profesional në afatin e përcaktuar me këtë ligj (neni 38 paragrafi (3))."

Paragrafi (2) ndryshohet dhe vijon:

"(2) Gjorbë në shumë prej 30% nga gjoba e matur për personin juridik do t'i shqiptohet për kundërvajtje nga paragrafi (1) të këtij neni i personit përgjegjës në personin juridik".

Neni 8

Neni 42-b ndryshohet dhe vijon:

"Matja e shumës së gjorbës për personin juridik kryhet në pajtim me Ligjin për kundërvajtje."

Neni 9

Pas neni 42-b shtihet nen i ri 42-v, si vijon:

"Neni 42-v

(1) Për kundërvajtjet e përcaktuara në nenin 42 të këtij ligji, procedurën kundërvajtëse dhe sanksion kundërvajtës e shqipton Ministria e Kulturës (në tekstin e më poshtëm: Organi kundërvajtës).

(2) Për kundërvajtjet nga neni 42-a të këtij ligji, procedura kundërvajtëse mban edhe sanksion kundërvajtës shqipton gjykata kompetente.

(3) Procedura kundërvajtëse nga paragrafi (1) të këtij neni para Organit kundërvajtës ee udhëheq Komisioni për vendimmarrje për kundërvajtje (në tekstin e mëtejshëm: Komisioni për Kundërvajtje) i formuar nga ministri i Kulturës.

(4) Komisioni Kundërvajtës përbëhet nga persona zyrtarë të punësuar në Ministrinë e Kulturës, nga të cilët njëri e kryen funksionin kryerës i komisionit kundërvajtës.

(5) Komisioni për Kundërvajtje përbëhet nga tre anëtarë dhe zëvendësit e tyre dhe atë:

- dy juristë të diplomuar, njëri prej të cilëve ka kaluar provimin e jurisprudence me pesë vjet përvojë në fushën e vet dhe

- një anëtar me arsim të lartë profesional në sferën e shkencave shoqërore me pesë vjet eksperiencë në fushën e vet.

(6) Komisioni për Kundërvajtje zgjidhet për kohëzgjatje prej tre vitesh me të drejtë rizgjedhjeje të anëtarëve.

(7) Për kryetar të Komisionit kundërvajtës mund të zgjidhet vetëm jurist i diplomuar i cili ka kaluar provimin e jurisprudence.

(8) Komisionin kundërvajtës për Organin kundërvajtës e mban procedurën kundërvajtëse në pajtim me ligin për kundërvajtje dhe vendos mbi kundërvajtjet e përcaktuara me këtë ligj dhe e ligje tjera të përcaktuar me këtë ligj, Ligjin për kundërvajtje dhe ligj tjetër.

(9) Përveç anëtarëve të Komisionit kundërvajtës ministri i Kulturës mund të caktojë sekretar të Komisionit kundërvajtës i cili i kryen punët administrative për Komisionin.

(10) Komisioni për Kundërvajtje miraton rregullore për punën e vet.

(11) Kundër vendimit të komisionit kundërvajtës mund të parashtrohet ankesë te Komisioni Shtetëror për vendimmarrje në shkallë të dytë në sferën e mbikëqyrjes inspektuese dhe procedurë kundërvajtëse.”

Neni 10

Titulli i neni dhe neni 43 ndryshohen si vijon:

"Procedura për lëshimin e urdhërpagesës kundërvajtëse

Neni 43

(1) Për kundërvajtje përcaktuar në nenet 42 dhe 42-a nga ky ligj, inspektori për kulturë është i obliguar kryerësit të kundërvajtjes t'i lëshojë urdhër pagesë kundërvajtëse, në pajtim me ligjin për kundërvajtje.

(2) Në kryerësi e pranon urdhër pagesën kundërvajtëse, i njëjti duhet ta nënshkruajë. Pranimi i urdhër pagesës kundërvajtëse nga kryerësi i kundërvajtjes shënohen në procesverbal.

(3) Në procesverbalin nga paragrafi (2) të këtij neni përcaktohet mënyra në të cilën do të largohen pasojat nga kundërvajtja, si dhe mënyra e tejkalimit të pasojave nga kundërvajtja e kryer.

(4) Kur kryerësi i kundërvajtjes paraqitet person juridik, procesverbali dhe urdhër pagesa kundërvajtëse e nënshkruan personi përgjegjës ose person i autorizuar prej tij.

(5) Inspektori për kulturë është i obliguar të mbajnë evidencë për urdhër pagesa e lëshuara kundërvajtëse dhe për epilogun e procedurave të ngritura.

(6) Në evidencën nga paragrafi (5) të këtij neni mblidhen, përpunohet dhe ruhen të dhënat në vijim: emri dhe mbiemri, respektivisht emërtimi i kryerësit të kundërvajtjes, vendbanimi, respektivisht vendqëndrimi, selia, lloji i kundërvajtjes, numri i urdhër pagesës kundërvajtëse e cila i lëshohet dhe rezultati i procedurës.

(7) Të dhënat personale nga paragrafi (6) të këtij neni ruhen pesë vjet nga dita e futjes në evidencë.

(8) Ministri e përcakton formën dhe përmbajtjen e urdhër pagesës kundërvajtëse."

Neni 11

(1) Personave të cilët deri në ditën e fillimit të zbatimit të dispozitave nga nenet 2,3 dhe 4 të këtij ligji, kanë marrë titull profesional në pajtim me Ligjin për të mira audiovizuele ("Gazeta Zyrtare e Republikës së Maqedonisë" numër 103/2008, 47/11 dhe 51/11), titulli i marrë u pranohet në pajtim me këtë ligj.

(2) Procedurat për marrjen e titujve profesionale të filluara sipas dispozitave që kanë vlejtur para fillimit të zbatimit të dispozitave nga nenet 2,3 dhe 4 nga ky ligj, do të mbarohen sipas Ligjit për të mira audiovizuele ("Gazeta Zyrtare e Republikës së Maqedonisë" numër 103/2008, 47/11 dhe 51/11).

Neni 12

Akti nënligjor nga neni 4 nga ky ligj do të miratohet në afat prej tre muajve nga dita e hyrjes në fuqi të këtij ligji, kurse akti nënligjor nga neni 10 paragrafi (8) nga ky ligj do të miratohet në afat prej 30 ditëve nga dita e hyrjes në fuqi të këtij ligji.

Neni 13

Ky ligj hyn në fuqi në ditën e botimit në "Gazetën Zyrtare të Republikës së Maqedonisë" kurse dispozitat nga nenet 2, 3 dhe 4 të këtij ligji do të fillojnë të zbatohen nga 1 janari 2016.